



UNIVERSITÄTS-
BIBLIOTHEK
PADERBORN

**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. II. Quæ causæ ob Continentiam in eodem Foro tractandæ sint?

[urn:nbn:de:hbz:466:1-61662](#)

cit. L. Nulli n. ult. & Gaill. cit. obser. 32. n. 6. & 7. vel, ut cum Panor. Felin. ac Jafon. tradit communis, poenâ Judicis arbitriâ cum refusione expensarum.

§. II.

*Quæ Causæ ob Continentiam in eodem Foro
tractandæ sint.*

SUMMARIUM.

568. *Continentia causarum datur, si ab uno res in diversis territorijs sitæ petantur.*
569. *Aut, si ab uno diversi fori Rei convenientur.*
570. *Aut plures sibi vendicent rem communem, plurésve cohædes judicio herciscundæ contra unum agant.*
571. *Agendum est de Proprietate, ubi actum est de Possessione.*
572. *Et ibi civiliter, ubi criminaliter.*
573. *Déque causis Emergentibus & Incidentibus, ubi de Principali.*
574. *Causa tamen spiritualis, si incidat coram Judice laico, remittenda est ad Ecclesiasticum.*
575. *Creditor non potest unam partem debiti petere coram uno Judice, & alteram coram alio.*
576. *Et juxta non paucos, qui examinatus fuit in una Academia, non potest Gradum Literariorum suscipere in alia.*
568. *Quæ causæ continentes seu connexæ sint, dixi in gene-*
re n. 561. In specie nunc de quibusdam agendum est, ut ex pau-
cis casibus allatis appareat, quæ dividi nequeant, sed coram eo-
dem Judice communi discutiendæ sint. Primo itaque contine-
tia causarum datur, si ab uno res in diversis locis sitæ petantur,
v. g. si à Titio vindico res plures, quarum aliæ sub hoc, aliæ sub
alio Judice sitæ sunt. Aut si contra cundem ago petitione hæ-
reditatis, cuius itidem res in diversis territorijs reperiuntur. Aut
si ab ipso hypothecariâ actione possessionem pignoris itidem in
diver-

diversis territorijs sparsi avoco. Aut quando aliâ quapiam actione plures res continentur, quemadmodum in actione Tutelæ Gloss. & DD. in L. Nulli 10. C. de Judic. præsertim Jason n. 3. V. Secundò dicitur, Afflct. decis. 354. n. 13. V. Tertiò, ubi aliud exemplum ponit de utili actione negotiorum. Tunc igitur, ne pluribus & diversis instantijs fatigemur, eum Judicem adeundum esse, qui utriusque loci Judice proximè superior sit, docent post alios Vul-tejus ad L. 4. c. de Jurisdiction. omn. Judic. à n. 25. &c Mindan. L. 3. de Process. c. 3. mem. 2. § 3. Verùm etsi in istis casibus continentia causarum detur, ita ut judicium inter plures diversorum territoriorum Judices dividi non debeat: non tamen apparet, quām rectè superior Judex adeatur. Si enim admittitur opinio docens, quòd Judex domiciliij cum Judicerei sitæ concurrat (quam tamen suprà n. 216. rejici) & unus duntaxat reus est, aut plures, sed sub eodem Judice domicilium habentes, Judex iste domiciliij adiri poterit, ut adeò necesse non sit ad Superiorem deyeniri. Neque obest, quòd Judex domiciliij actorem in bona, quæ extra ipsius jurisdictionem sita sunt, immittere non possit. Non enim hinc consequens est, quòd superior illicò adeundus sit. Alias ille, qui ex contractu obligatus est, in loco obligationis conveniri non posset, si nulla ibi bona possideat: quod falsum esse constat ex dictis n. 176. ac seqq. & n. 198. Conclusum tamen in Camera Imperiali fuit teste Schwanmann. L. 1. Process. Cameral. c. 6. n. 7. processum decernendum esse, si quis à Camera petierit, tametsi in uno loco major, in altero minor pars sita esset.

569. Secundò. Continentes causæ sunt, & ab eodem terminandæ Judice, si ab uno diversi fori debitores convenientur, v. g. plures Contutores, qui diversis jurisdictionibus sunt subjecti. L. omnes s. C. arbitrium Tutelæ Marian. Socin. in C. 2. de Mut. petit. n. 31. Mindan. L. 3. de Processib. c. 4. mem. 1. ubi mem. 3. § 4. existimat cum alijs, superiorem Judicem adeundum esse. Sed nihil obstare videtur, quòd minus rectè convenientur apud Judicem obligationis contractæ, & ubi tutelæ administratio gesta est,

juxta L. I. C. *Ubi de ratiocin.* Eadémque est ratio de pluribus unius delicti complicibus: tametsi enim coram uno Judice conveniendi sint, ut cum Jasone ac communi DD. docent Gaill. *cit. obser. 32. n. 12.* & Menoch. *de arbitrar. Judic. casu 371. n. 12.* ratio tamen adeundi superiorem Judicem non est: cùm respectu omnium sit competens ille, in cuius territorio delictum patratum est. L. I. C. *Ubi de crim. agi oport.* Fundata tamen est Camera jurisdictio, si quis contra Statum Imperij & ejus alteriusve Status subditum agere velit. Mynsing. *cent. I. obseru. 4. n. 4.* Tametsi enim Status Imperij privilegio Austregarum gaudeant, ut dictum est suprà *n. 338. & seqq.* quia tamen locum Austregæ non habent quoad eos, qui mediate tantum subditi sunt Imperio, conséquens est, communem subditi immediati & mediati adeundum esse Judicem, qui est Camera Imperialis.

570. Tertiò. Si plures sibi vendicent rem velut communem v. g. servum, aut plures cohæredes judicio familiæ herciscundæ contra eundem agant, causæ connexio est, ita ut apud eundem Judicem expedienda sit. L. I. ff. *De quib. reb. ad eund. Jud. cat. DD. in cit. L. 10.* Jason. *I. c. V. Tertiò,* Affict. *I. c. V. Quinto Marian. Socin. I. c. n. 25.* Mindan. *I. c. n. 9.* Nisi quilibet rem sibi in solidum peteret, uti advertit Socin. *I. c.* Non tamen placet, quod idem Mindanus ait, non coram Judice Rei, sed omnium proximè supremo agendum esse. Non enim ulla est ratio, cur Rei, si unus est, aut plures, eidem tamen Judici subjecti, Judex prætereatur, & cur hic illa regula de sequendo Rei foro exceptionem patiatur. Et quamvis in communibus judicijs uterque contendentium Actoris & Rei munus sustinere videatur, istamen Reus habetur, qui à reliquis ad faciendam divisionem convenitur. Unde ejus forum sequendum est, nec nisi absurdè quisquam dixerit, Judicem utrique litiganti communem adiri debere ex eo, quòd de causa tam Actori quam Reo communi agitur. Illud concedendum est, quod idem tradit *I. c. & L. I. c. 34. n. 9.* quòd pignoratus in bonis immediate ab Imperio dependentibus, quam-

quamvis cæteroqui Landsassius & mediæ Imperio subjectus, contra pignorantes mandatum & processum in Camera Imperij impetrare possit, si tamen Rei immediatè Imperio subjecti sint.

571. Quartò. Apud eundem Judicem ob causæ continentiam agendum est de proprietate, ubi causa possessionis ventilatur. Nam *Legali provisione decretum est, tam momenti (momentanæ possessionis) quam proprietatis causâ, sub uno eodemque Judice debere cognosci*, ut dicitur *C. 1. de Causa Possess. & Propriet.* Legalis hæc provisio habetur *L. 13. C. de R. V. ibi: Ordinarij Juris est, ut mancipiorum orta quæstione, priùs exhibitis mancipiis de possessione judicetur, ac tunc dêmum proprietatis causa ab eodem Judice decidatur.* Quamvis enim causa Possessionis & Proprietatis sint separatae. *L. 12. §. 1. ff. de Acquir. possess. ac propterea permisceri prohibeantur L. permisceri ff. eod. quoad rationem tamen procedendi, modum probandi ac pervenienti ad dominium, ejusque decisionem, pares habentur, nec ordinis ratione divelli patiuntur.* Goeddi *in cit. C. 1. n. 35.* Costald. *ad tit. ff. de quib. reb. ad eund. Judic. eat.*

572. Quintò. Agendum est civiliter, ubi criminalis causa examinata fuit. Gaill. *cit. observ. 32. n. 11. & L. 1. de pace publ. c. 11. n. 26.* Mindan. *L. 3. de Process. c. 5. n. 19.* cum communi DD. Hinc teste Mynsing. *cent. 1. observat. 97.* decisum in Camera Imperiali fuit, quod si spoliatus contra pacem publicam egredit in Camera contra spoliatorem ad poenam banni, & super restitutione damnorum sibi illatorum agere velit coram Judice spoliatoris Ordinario, repellere possit exceptione de non dividenda continentia causæ.

573. Sextò. Decidendæ sunt causæ Incidentes & Emergentes, sive illæ, quæ oriuntur occasione Principalis, & ita ipsam afficiunt, ut de ejus meritis constare non possit, aut processus impediatur, nisi illæ examinentur ac decidantur: hæc, inquam, causæ decidendæ sunt, ubi agitur de principali. *L. 3. & L. 10. C. de Judic. L. 1. C. de Ordine Judic. L. fin. C. de Ordine Cognit. C. penult. L. 11. 3.*

mult. in fin. de in integr. restitut. E. g. si Actori vel Accusatori, vel Testi objiciatur, quod non habeat personam standi in judicio; vel Testi, quod in judicio pejerarit, pecuniam pro testimonio acceperit &c. Plura alia exempla refert Goedd. l. c. à n. 30. suntque passim obvia. Porrò adeo verum est, quod Judex, qui cognoscit de causa principali, cognoscere possit ac debeat etiam de incidente ac emergente, ut licet alias de incidente cognoscere nequiret, si principaliter moveretur, possit tamen in casu, quando solùm incidit. Hinc Zafius *in cit. L. 3. C. de Judic. n. 11.* tradit, Judicem super incidente criminali causa cognoscere posse, licet alias non possit. Ratio dari potest: quia multa, ut ait Goedd. l. c. n. 33. per consequentiam permittuntur, quæ principaliter fieri prohibentur.

574. Restringenda est facta modò assertio quoad causas spirituales: harum enim si quæ incidat apud Judicem secularem, remittenda est ad Ecclesiasticum civili judicio interim pendente. C. Lator 5. *Qui filii sint legitimi.* Mynsing. cent. 1. observat. 100. ubi refert, aliquoties ita in Camera Imperiali observatum & decisum fuisse, Sichard. *in cit. L. 3. n. 8.* Zafius *ibid. n. 13.* Farin. *in Praxi Crim. q. 8. n. 25.* cum communi DD. Exemplum habetur *cit. C. 5.* de eo, cui coram Judice seculari de hæreditate Avi litiganti objectum fuit, ejus patrem non fuisse legitimo matrimonio natum. Ibidemque decernitur, quæstionem incidentem de legitimo matrimonio, tanquam spiritualem, remittendam esse ad Judicem Sacrum, ac interim Judici Laico supersedendum esse decisione quæstionis principalis. Ex quo cum Canonistis rectè infert Mandosius *de Inhibit. q. 10. n. 2.* quod si laicus cognoscere vellet super huiusmodi causa Ecclesiastica, inhiberi id ipsi possit, & mandari, ut non procedat, nisi causâ spirituali priùs per Judicem competentem decisâ. E contrario si de causa Ecclesiastica cognoscatur Judex Ecclesiasticus etiam inter laicos, ac incidat secularis quæstio, hanc ille æquè ac Ecclesiasticam decidere potest, ut ex Baldo & communi DD. notat Goedd. l. c. n. 38. & patet ex C. 3. de Dona-

Donation. inter vir. & uxor. Rationem hujus diversitatis petenti, Bartoli Magister Cynus *in cit. L. 3. C. de Judic.* calumniosè respondet, nullam aliam dari posse, quam quòd id ab ipsis (Ecclesiasticis) receptum sit propter ambitum jurisdictionis secularis usurpandæ. Vera & solida ratio est, quòd spiritualia tanquam digniora trahant ad se causam secularē ut connexam & viliorem, at non vicissim ea, quæ inferiora sunt, trahant ad se, quod est superiorius & dignius. Item quòd non sit supra potestatem Judicis Ecclesiastici causas profanas decidere; sit verò supra potestatem Judicis profani decidere Sacras. Hinc sicut oleum non consecratum misceri potest oleo consecrato juxta *C. Quod in dubijs de Consecrat.* Eccles. ita à Judice sacro causæ sacræ misceri & jungi potest profana. Hęc porrò solum procedunt de causa spirituali emergente vel incidente in judicium seculare: nam si alia causa, quæ spiritualis non sit, incidat, passim receptum est, illam non ad suum Judicem remitti, sed unā cum principali apud eundem Judicem examinari Schrader. *de Feud. p. 10. sect. 1. n. 99.* cum communi DD. solo fere refragante Mynsingero *cit. observ. 100. in fin.* & præjudicium quoddam Cameræ Imper. afferente.

575. Septimò. Creditor non potest unam partem debiti petere coram uno Judice, & aliam coram alio: ne continentiae causa dividatur. Gloss. *in C. ult. V. Per varias literas & Panorm.* n. 12. *de Rescript.* Geminian. *in C. Dispensia eod. in 6. Jason in cit. L. 10. C. de Judic.* n. 3. & *in L. Quidam existim. ff. Si cert. pet.* n. 8. Socin. sen. *L. 1. consil. 41. col. 2.* Et quamvis Gemin. Butr. ac alij apud Menoch. *L. 2. de Arbitr. casu 371. n. 15.* censeant, hoc solum procedere coram Judicibus Delegatis, quoad Ordinarios verò posse unam partem agitari coram uno, alteram coram altero: idem tamen ob identitatem rationis etiam de Ordinarijs tenent Bald. Paul. Castr. ac Jason *in cit. L. 10. Panorm.* l. c. n. 13. ac alij. Ut tamen assertio locum habeat, necesse est, summam esse eandem, & uno eodemque tempore deberi. Nam si esset summa diversa, vel ejusdem summa pars esset hodie debita, altera v.g. intra mensem,

sem, adiri pro diversis partibus diversi Judices competentes possent, quia in tali casu non divideretur continentia causæ, cum ratione diversitatis summæ vel temporis diversæ causæ censeantur, ut notat Menoch. l. c.

576. Octavò. Juxta Bald. in L. *Qui indignus ff. de Senator.* Jason l. c. n. 10. Sichard. in cit. L. *Nulli C. de Judic.* n. 13. Zaf. ibid. n. 22. Menoch. l. c. n. 16. si quis in una Academia examinatus fuit pro Gradu Literario consequendo, non nisi in illa eum accipere licet potest: quia, ut ajunt, continentia causæ dividi non debet. Nisi, uti limitant idem Jason & Butr. ac Imol. in C. *Cum inter 2. de Renuntiat.* in alia Academianovum examen subeat: tunc enim ibi posse gradum ipsi conferri, tametsi Academiæ, in qua prius examen subiit, aut etiam Licentiam suscipiendi Doctoratū accepit, jurârit de non accipiendo alibi Doctoratu. arg. cit. C. 2. quia juramenta, transactiones, renuntiationes, & rescripta, intelliguntur de rebus præsentibus, nec se extendunt ad non cogitata. L. *Cum Aquiliana ff. de Transact.* L. *Mater decedens ff. de Inofficio Testam.* Præcipue Renuntiatio est strictissimi juris, tam respectu rerum, L. *Qui cum tutoribus C. de Transact.* quam respectu personarum, L. *Si unus §. Antea ff. de Pactis.* Sed qui alicubi pro Gradu examinatur, non cogitat de examine alibi subeundo. Verum nec assertio nec ejus limitatio videtur esse recipienda. Non quidem ipsa assertio: quia non appareat, quam ratione id, quod Leges statuunt de non dividendis in judicio causis connexis, trahatur ad extrajudicia, cum pro istis non pugnet ratio, propter quam suprà n. 563. dixi, causas connexas ab eodem Judice decidendas esse. Non limitatio de Juramento: nam qui jurat, se alibi Insignia Doctoralia non accepturum, absolutè censemur se ad hoc obligare; ac illi, qui juramentum deferunt, censemur eum velle absolutè obligare: quia juramentum, transactio &c. ad illos tantum casus se non extendunt, quos jurans aut transigens exceptisset, si tempore præstiti juramenti de iis cogitasset, & quos prudens quisque in iisdem circumstantiis excepturus esset. Quod autem